



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Epistolæ veterum Pontificum Romanorum, quæ habentur in illa collectione, sunt prorsùs apocryphæ citra omnen controversiam.

urn:nbn:de:hbz:466:1-15617

I.X. *Capitula Hadriani & apocrypha Pontificum Romanorum epistole, tametsi in honore haberentur apud Gallos, vim tamen legis non obtinebant, si constaret eas canonibus esse adversas. Probatur ex Hincmario.*

X. *Præclara sententia Hincmari de auctoritate harum epistoliarum. Concilia pro illis servanda.*

XI. *Canon quintus Sardicensis versus est in legem publicam regni. Probatur e libris Capitularium, & ex Hincmario.*

I. *S*Vb secunda Regum nostrorum dynastia novum Ius canonicum in Ecclesiam Gallicanam æquè ac in ceteras Occidentis provincias introduci cœptum est, inventis eam in rem suppositiis illis veterum Pontificum Romanorum epistolis, in quibus extant quamplurima constituta prorsus adversa veterum canonum statutis. Editæ illæ fuerunt in collectione canonum quæ Isidoro Mercatori vulgo tribuitur, quam Riculfus Episcopus Moguntinus ex Hispania attulit in Galliam. Vnde factum ut in Capitularibus Regum quamplurima loca descripta fuerint ex falsis illis epistolis.

II. *Certum quidem est & omnino indubitatum ex sententia omnium virorum eruditorum, ac Baronij quoque & Bellarmini Cardinalium, eas epistolas veterum Pontificum, Clementis nimurum, Anteri, Evaristi, Telephori, Callisti, Iulij, Damasi, & in universum omnes illas quæ tempora Siricij & Innocentij antecedunt, fabricatas fuisse ab hoc Isidoro. Quod colligitur non solum ex barbarie sermonis ac insufficiencia antiquitatis, sed etiam ex magno discrimine quod intercedit inter disciplinam veteris Ecclesiæ & eam quæ in his epistolis continetur. Accedit Dionysij Exigui auctoritas: qui cum in sua collectione canonum addiderit epistolas decretales Pontificum Romanorum, nullam tamen mentionem facit eorum quæ in illa Isidoriana continentur. Ac tametsi Leo & Gelasius frequenter laudent epistolas predecessorum suorum, nullam Isidorianarum mentionem faciunt.*

III. *Quærunt anxiè viri eruditii quisnam tandem homo fuerit Isidorus ille Mercator, cui hac compilatio tribuitur. Neque enim tribui potest Isidoro Episcopo Hispanensi, cum ejus aetas multum antecedat tempus istius collectionis, tum etiam quod nitidior sit Isidori stylus quam tota hæc epistolarum apocrypharum farrago. Existimabat Blondellus Isidorum hunc Mercatorem fuisse fratrem Eulogij Cordubensis; qui in Germaniam confugerat, vitanda Saracenorū immanitatis. Verum huic conjectura repugnat ratio temporum. Isidorus enim ille vivebat anno octingentesimo quinquag-*

gesimo, cum diù antè eam compilationem ex Hispania in Gallias attulisset Riculfus Episcopus Moguntinus. Si fides habenda esset Chronicæ Iuliani Toletani, quod Parisiis editum est à clarissimo viro Laurentio Ramirezo, non laborandum esset de auctore hujus collectionis. Etenim juxta Chronicæ illius fidem Isidorus Mercator Episcopus Setubensis (quæ civitas nunc Xativa dicitur in Hispania) ope monachi cuiusdam Benedictini operam dedisse dicitur huic compilationi & obiisse anno DCCCV. cum annum ætatis ageret centesimum. Verum Chronicæ illud falsi suspicione laborat; ut diximus in capite v. libri III. §. 11.

IV. *Eadem tempestate emersit collectio I. xxx. Capitulorum (alij tamen LXXXI. tantum fuisse dicunt) sub nomine Capitulorum Hadriani Papæ, qua data ab eo est Ingilramno Episcopo Metensi anno septuagesimo octuagesimo quinto. Ea autem excerpta est ex antiquis canonibus & genuinis Pontificum Romanorum epistolis, tum etiam ex legibus Codice Theodosiano comprehensis, vel potius ex breviario illarum legum. In his autem Capitulis interdum nonnihil additur antiquis canonibus, interdum vero detrahuntur verba magni momenti, prout conducere visum est ad extollendam Romani Pontificis auctoritatem. Attamen tanta horum Capitulorum dignatio fuit ut etiam frequenter descripta fuerint in Regum nostrorum Capitularibus; & iis usus est Isidorus Mercator in adornanda collectione epistolarum apocrypharum quas diximus.*

V. *Nunc penitus inspiciendum est quid novi juris invexerint hæc duæ collectiones quoad judicia canonica Episcoporum. Primum enim illic statuitur nullum Episcopum posse judicari nisi in synodo à Summo Pontifice convocata: *Nullus Episcopus, nisi canonice vocatus, & in legitima synodo suo tempore apostolica auctoritate convocata, super quibuslibet criminibus pulsatus audiatur, vel impetratur.* Hæc enim sunt ipsa verba capituli tertij collectionis Hadriani; unde sua exscriptis Isidorus Mercator, sub nomine Iulij Papæ. Hic autem Hadriani locus laudatur in secunda Additione Ludovici Pij cap. XI.*

VI. *Ius illud novum adversatur canonibus Nicænis, Antiochenis, Africanis, Sardicensibus, & epistolis Innocentij, Leonis, Gregorij, & reliquorum Pontificum Romanorum: qui decernunt ut prima de criminibus Episcoporum cognitio habeatur à synodo provinciæ, quam Metropolitanus convocabit, absque auctoritate Pontificis Romani. Occasionem autem huic novæ in-*

Vid: lib. 3. cap. 5.